

დადგენილება #ე.პ. 0530-22
გაფრთხილების სახით ადმინისტრაციული სახდელის
დადების შესახებ

თბილისი

11 აგვისტო 2022

1. დადგენილების გამომტანი ორგანო (თანამდებობის პირი):

ს/ს „ენერგო-პრო ჯორჯიას“ სათაო ოფისის ადმინისტრაციული სამართალდარღვევის საქმის განმხილველი კომისია, კომისიის თავმჯდომარე ნიკო გოგიტიძე

2. საქმის განხილვის თარიღი: 2022 წლის 11 აგვისტო

3. ცნობები პირის შესახებ, რომლის მიმართ განიხილება საქმე:

შპს „ლიდერი“

მდებარე, იურიდიული მისამართი: ბაღდათის რაიონი, სოფელი წითელხევი, 50-ე ქ., N 23

საიდენტიფიკაციო კოდი #425058493

ფაქტობრივი ადგილსამყოფელი: ქ.ქუთაისი, ცენტრალური ავტოსადგურის მიმდებარე ტერიტორია.

4. საქმის განხილვისას დადგინდა შემდეგი გარემოებები:

მიმდინარე წლის 9 აგვისტოს, ქ.ქუთაისში დაფიქსირდა ქსელზე თვითნებურად მიერთების ფაქტი, კერძოდ აბონენტი (აბ#1220122612) შპს ლიდერი დავალიანების გამო გათიშული იყო ქსელიდან (გათიშვისას მრიცხველის ჩვენება შეადგებდა - 46430 კვტ-ს) ხოლო შემოწმებისას 2022 წლის 9 აგვისტოს დადგინდა, რომ აბონენტმა განახორციელა შეწყვეტილი ელექტროენერგიის თვითნებური აღდგენა (მრიცხველის ჩვენება 47178 კვტ). აღნიშულ ფაქტზე შედგა ადმინისტრაციული სამართალდარღვევის ოქმი #009591. შპს „ლიდერის“ (ს/კ#425058493) მიმართ 10.08.2022-ში შედგენილ ადმინისტრაციული სამართალდარღვევის ოქმს ას#009591 ხელი მოაწერა შპს „ლიდერი“-ს მენეჯერმა,

სს „ენერგო-პრო ჯორჯია“

ნათია სვანაძემ რომელმაც აღიარა სამართალდარღვევის ჩადენის ფაქტი. შპს „ლიდერი“ მიერ შეწყვეტილი ელექტროენერგიის თვითნებური აღდგენა (სამართალდარღვევა) წარმოადგენს პირველ შემთხვევას, რაც დასტურდება საქმეში წარმოდგენილი შსს საინფორმაციო-ანალიტიკური დეპარტამენტის საინფორმაციო ცენტრის მიერ 2022 წლის 10 აგვისტოს ელექტრონულად გამოგზავნილი ინფორმაციით. საქმეში წარმოდგენილია 09.08.2022-ში შედგენილი აღრიცხვის კვანძის შემოწმება-მიღების აქტი #1579430 რომლითაც დასტურდება, რომ აბონენტის მიერ აღგილი ჰქონდა ელ.ენერგიის უკანონო მოხმარებას. საქმეში დევს დადასტურება, რომ სამართალდამრღვევს ეცნობა საქმის განხილვის დროისა და ადგილის თაობაზე. სხდომაზე არ გამოცხადდა შპს „ლიდერის“ წარმომადგენელი. გამოუცხადებლობის საპატიო მიზეზებისა თუ სხდომის გადადების თაობაზე სამართალდამრღვევს არანაირი განცხადებით არ მოუმართავს. ამდენად, კომისია უფლებამოსილია განიხილოს და მიიღოს გადაწყვეტილება ზემოაღნიშნულ საკითხზე. ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (ადმინისტრაციული სამართალდარღვევის ოქმი; აღრიცხვის კვანძის შემოწმება-მიღების აქტი; შსს საინფორმაციო-ანალიტიკური დეპარტამენტის საინფორმაციო ცენტრის ინფორმაცია; ამონაწერი სამეწარმეო რეესტრიდან; შეტყობინება), რომელთა მეშვეობითაც დგინდება შპს „პირამიდას“ მიერ ადმინისტრაციულ სამართალდარღვევათა კოდექსის 96¹ მუხლის 1-ლი ნაწილით გათვალისწინებული სამართალდარღვევის ჩადენის ფაქტი, ელექტროენერგიის დატაცება. სამართალდარღვევის ოქმი შედგენილია ასკ 240-ე მუხლის მოთხოვნათა დაცვით. დაცულია ადმინისტრაციულ სამართალდარღვევათა კოდექსის 38-ე მუხლის 1-ლი ნაწილით დადგენილი ადმინისტრაციული სახდელის დადების ორთვიანი ვადა.

5. ადმინისტრაციული სამართალდარღვევის საქმის განმხილველმა კომისიამ იხელმძღვანელა საქართველოს ადმინისტრაციულ სამართალდარღვევათა კოდექსის 96¹ მუხლის პირველი ნაწილით; მე-10; 38-ე; 236-ე; 240-ე; 228²-ე მუხლებით; 266-ე მუხლის მე-4 ნაწილით; სემეკის სემეკის 12.08.10წ. #14 და 28.06.2021წ. #19 დადგენილებებით; ს/ს „ენერგო-პრო ჯორჯიას“ გენერალური დირექტორის 30.06.2022წ. # EPG RU2022007 წესით, 01.07.2021წ. #OR2021018 ბრძანებით და;

და ვ ა დ გ ი ნ ე:

სს "ენერგო-პრო ჯორჯია"

6. შპს „ლიდერი“ (ს/კ 425058493) ცნობილ იქნეს ადმინისტრაციულ სამართალდამრღვევად ა.ს.კ. 961 მუხლის 1-ლი ნაწილით გათვალისწინებული სამართალდარღვევისათვის და დაედოს ადმინისტრაციული სახდელი – გაფრთხილების სახით.

7. იგივე ქმედება, ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას 15000 ლარის ოდენობით.

8. დადგენილება შეიძლება გასაჩივრდეს მისი ჩაბარებიდან/საჯაროდ გამოცხადების გზით ჩაბარებულად ჩათვლიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის: თბილისი, მიცკევიჩის ქ.#19).

9. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი:

უფლებამოსილი პირის ხელმოწერა:

კომისიის თავმჯდომარე:
ნიკო გოგიტიძე

